

SANCTISSIME PATER.



TERUM SUPER NEGOTIO CAUSÆ V.P.

Emmanuelis Padial, quam omnes expletam exoptant; nos etiam Clientuli Sanctitatis Vestre tantis tuæ munificentia largitionibus cumulati, totque signis tuæ Benignitatis super omnes generationes præ omnibus insigniti, qui cum sis altissimus, sanctissimus, opulentissimus, non dignaris respicere in exiguitatem nostram quique tot nominibus, & amoris nexibus Societati Jesu annectimur, nostras preces communi desiderio adjungimus, suppliciter, & instantius orantes, ut placeat Sanctitati Vestre hanc Causam accipere, & promovere, ut prosperè procedatur ad reliqua, quò tandem videat nostra Civitas suum Concivem Cœli Civibus adnumeratum. Hæc nostra desideria, maximâ quâ valemus, Cordis instantiâ, Sanctissime Principum, Pietati tuæ expandimus.

Interim D. O. M. exoramus ut Prosperitate, & Benedictione cumulati te Prosperum, & Benedictum adimpleat ad usque dies Petri.

Dat. in hoc Sancti Francisci Capuccinorum Cœnobio Granatensi Sancto Joanni Baptistæ dicato. Nonis Maij anni 1748. Sme. P. Sanctitatis Vestre humillimi Filij Fr. Antonius de Irlanda, Sac. Theol. Ex-Lector, Ex-Definitor, & Guardianus. Fr. Josephus de Ceuta, Sac. Theol. Ex-Lector, & Definitor actualis. Fr. Ambrosius de Llanes, Sac. Theol. Ex-Lector, & Ex-Definitor. Fr. Antonius de Berja, Sac. Theol. Ex-Lector, & Ex-Definitor.

SANCTISSIME PATER.



USILLITATIS NOSTRÆ LICET NON IGNARI, quia gratam Causam proferimus, filiali fiducia ad Pedes S. V. provoluti nostra suspiria, nostra desideria pandimus. Tibi enim datum est condere leges, in legibusque, prout congruerit, dispensare. Cumque fama virtutum V. P. Emmanuelis Padiæ, Sacerdotis Professi S. Jesu in dies magis, magisque augeatur;

immò & beneficijs, ejus ope, ut piè panditur, à Deo, Suorum Servoium, Glorificatore largitis, non modò in istâ felici Civitate Granatensi V. Viri oriùs, & occasus Theatro, verùm in totâ Hispaniâ Fidelium animi ipsius devotione vehementi ardore flagrent; eumque cupiant posse fidenter venerari, cujus doctinas, exempla, virtutes, beneficentias fuerint, Deo misericordè, experti; ac proinde ad Tribunal infalibile S. V. Processum, circa vitam, & acta ipsius V. P. confectum, transmittatur, optant hanc causâ quantoritiùs expletâ gaudere.

His votis nostra vota jungimus, & instanter exposcimus, ut hanc Causam gratanter accipias, atque promoveas; & ut in hanc te munificentiam, dexteritatem tuam, quam orbis stupet, experiantur Oratores supplices, imploramus. Prematur in Sacro Torculari, statutis morulis dispensatis, hæc Sacta, quæ piè aurumatur, substantia, in quo, verum quidquid est, apparet, exprimitur. Tradatur igni, verè scrutatori, hoc, quod Religiosè communi statèrà appenditur, aurum. Videatur, num tale appareat in eâ, quam prona jurat nostra fides indefectibilis, quod optamus, quod exposcimus, quod desiderio desideramus. De hoc felici eventu, cujus spe; tot fidedignis Testibus roboramur, V. Servi Dei Emmanuelis recentibus adhuc fragrantijs erigimur. Deo in Sanctis suis Glorioso semper gratiæ rependuntur. Modulerur Gloria. Mater Ecclesia lætabitur in Filio, in Prole piâ quæ semper est sæcunda. Exultabit Hispaniâ. Psaller Granata. Canet, laudabit Jesu Societas.

Hæc SS. P. nostra vota; hæ nostræ preces; hoc nostrum desiderium. Et quod O. M. D. utpotè qui in suâ Providentiâ non fallitur, te, ut hisce fluctuosis temporibus Navem dexter moderareris Rector, prædestinavit, te benedicat, & sis Benedictus, ævumq; vestrum ad plusquam dies Petri dilater.

Dat. in hoc Granatensi Sanct. Francisci Capuccinorum, Cœnobio S. Joanni Baptistæ dicato. Kalendis Mart. ann. 1748. Sme. Pat. Sanctitatis V. humillimi Filij Ft. Antonius de Irlanda, Sac. Theol. Ex Lector, Ex Definitor, & Guardianus. Fr. Josephus de Ceura, Sac. Theol. Ex Lector, & Definitor aQualis. Fr. Ambrosius de Llanes, Sac. Theol. Ex Lector, & Ex-Definitor. Fr. Antonius de Berja, Sac. Theol. Ex Lector, & Ex-Definitor.